



Diario pa



Aruba

NOW!!
FOR
COOLNESS
AIRCONDITIONING
Tel. 2176

PRESENTACION DI TRUPIALEN UN EXITO ROTUNDO

ORANJESTAD, 24 juni — Den un De Veer Theater, caminda delaster un stul tabata ocupa, a tuma lugar diadomingo, e premiere di „Nochi di Canto“, presenta pa e grupo di Trupialen Junioren. Den e programa aki cu ta consisti di das parti, esta e operette di mucha „Hans en Grietje“, promer cu pauza y e wegá di canto, „De Gestolen Kroon“ despues di pauza, nada menos cu 81 mucha a tuma parti. E hobencitanan aki di kende nan edad ta varia entre 9 y 14 aña, a duna un presentacion cu den dos palabla bisa tabata un: Exitu rotundo.

Actuacionnan fantastico

Promer cu cineor, e ora anuncia cu e programa lo cuminsa, ya e sala tabata yen, di punta te punta, cu muchacha y hende grandi. Asina cu e cortina a habri pa e promer acto di e presentacion di „Hans en Grietje“, henter e sala cual promer tabata yen di rumor di muchanan papiando, a keda keto, dirigiendo bista na e podium y habriendo e orecnan pa no perde ningun momento di e presentacion. Na cierto momentonan di e presentacion, e sala tabata resona di harimentu.

„Hans en Grietje“ ta un storia macha bieu cu a worde scribi pa e rumanan Grimm. E ta trata di dos mucha, un ruman homber y un ruman muher kendenan caminando den mondi ta dwaal y alafin ta yega na un cas caminda tin un „heks“ ta biba. E heks ta gana nan cu tur sorto di palabranan bunita y ta logra hibanan den su cas. Aki e ta sera Hans den un haula y ta duné hopi cuminda pa e gorda mas liher cu ta posibel pa e hanja comé. Grietje e ta pone haci trabau di cas y busca palo seco den mondi pa kima den fogon pa haci cuminda. Cu yudanza y aviso di e kabouteran alfin Grietje y Hans ta logra hinka e heks den e haula y asina por bai cas libremente atrobe. E operette aki, no ta e promer biaha cu Trupialen ta presenté. Diez aña pasa, dia 9 di mei 1963 el a worde presenta den e promer actuacion di Trupialen den publico. Apesar cu nos conoce e gran exitonan cu tur aña e Trupialen tin cu nan comediantan, nos a keda asombrá di loke e grupo aki a presencia

Pieters como e heks peligroso.

Despues di panza tabatin e presentacion di e di dos parti di e programa, esta e wegá di canto „De Gestolen Kroon“. E wegá di canto aki ta un operette cu pa di promer biaha a worde presenta algun luna pasa na Hulanda y cu indubablemente ta un premiere no unicamente na Aruba, pero tambe na Antillas, presenta pa Trupialen. Esaki ta un storia cu ta trata di un ladron sahí, kende door di duna e „schildwacht“ un pepermint special, ta haci esaki pega sonjo y asina e ta logra horta e corona di e rey. Pero cu yudanza di e cuidadonan di mondi, Pipé e payaso di e rey, ta logra hanta e corona y tambe gara e ladron. E rey ta hanja su corona atrobe, y tur hende ta contento, cu excepcion di e ladron cu tin di worde sera.

Den e wegá di canto aki a destaca nan mes cu actuacionnan bunita y bon. Albert Grijt como e rey, Kenneth Ecuadisaora atardi den „De Gestolen Kroon“. E actuacion tabata na un manera liher y bon. Den e rolman principal di e operette aki nos tin tur respet pa e hobencitanan Chan Tromp, kende a hunga e rol di Hans, Nico Luidens kende a hunga e rol di Grietje y Elmer ry como e schildwacht y Nolly Becker como e ladron. E hobencito Wilfried Tjong Ajong kende a hunga pa Pipé, e payaso di e rey diferente biaha a pone e sala hari.

Indubablemente tur e 81 hobennan di Trupialen kendenan a tuma parti den e programanan aki merece un palabla di elogio. Pa mayoría di nan esaki ta e promer biaha cu nan ta tuma parti den un actuacion den publico. Si nos tuma esey na cuenta y tambe e manera cu nan a hunga den e programa

manan nos no por tin nada otro cu gran respet pa nan.

Cooperacion

E cooperadornan keto na e programa aki tabata e majornan, kendenan a peca pa e bunita bishnan etc. Segun frere Alexius, e motor incansable di e grupo aki a informa nos, lo tabata imposibel pa a duna tal presentacion si e no tabatin e yudanza y cooperacion di tanto majornan di e muchanan. No unicamente pa uniformemente

(Sigui lesa na pag. 4.)

O.S. Henriquez a hanja bonbini como presidente nobo di E.R.

ORANJESTAD, 24 juni — Deputado I. S. de Cuba y e lider di fraccion interino di P.P.A. Jose Geerman a duna gezaghebber O. S. Henriquez bonbini diabierna atardi como presidente nobo di eilandsraad di Aruba. Esaki a tuma lugar durante un reunion publico, cual a worde teni cu e fin pa aproba e credencialnan di e raad nobo.

Senior De Cuba a bisa cu tabata un gran satisfaccion pa ora cu el a worde informa cu La Reina a nombra senior Henriquez como Gezaghebber nobo di Aruba. Orador a declara cu e gezaghebber nobo ta un homber di gran experiencia den tur sector di e aparato di gobierno. „En bista di e gran conocimento di senior Henriquez cu e tareanan di e deputadonan, esun di gezaghebber y hasta esun di presidente di Eilandsraad, anenas tabata necesario cu e gezaghebber nobo mester a worde orlanta pa su antecesor.

Senior De Cuba a priminti senior Henriquez su apoyo y cooperacion y a clarifica cu e puesto di gezaghebber ta exigi sabiduria, pasenshi y buicio. Apesar cu e gezaghebber nobo ta hoben, toch senior De Cuba tabata kere cu door di su hopi experienciacion y tin e capacidacion na bira un bon lider. Den e coneccion aki senior De Cuba a mustra riba locual senior Henriquez a juda realza pa Aruba. „Bo ta nombra pa e tempo di seis aña. Ta parce hopi pe-

ro e lo mustra cortesia. Dios duna cu bo lo realiza hopi cos bon na bienestar y progreso di e comunidad Arubano“.

Sr. Geerman a mustra cu e gezaghebber tabatin e confianza di e pueblo, e raad y di gobierno. „Dios bendicidona bo y cu bo lo traha hopi anja pa Aruba“.

Den su replica gezaghebber a gradici pa e bon deseo y coneccion di e dos oradornan. Segun senior Henriquez a bisa tabata un gran satisfaccion pa e awor ser nombra como gezaghebber di e isla na cua e ta asina pega, y pa cua el a traha tantu tempu cuba den otro puestonan. Despues di e memorie su antecesor senior F.J.C. Beaulon, el a termina cu e mehor deseo na senior Beaulon, gradici senior De Cuba pa tur leke el a haci durante un anja largu bato di circunstancianan difícil como Gezaghebber interino pa Aruba y expresa e deseo cu raad y college huntu cu bendicion di Dios lo haci hopi bon pa Aruba.

Despues cu a worde participa cu

dr. G.A. Oduer a acepta su nombracion como miembro di raad, un comision consistiendo di presidente Marco Henriquez y miembronan A. Werleman y Dominico G. Croes a investiga e credencialnan di diescho miembro nobo di raad. Pa motibu di un error administrativo e credencialnan di srs. Jose Geerman, E.D. Figueroa y Alberto Falconi pa motibu di expiration di e termino legal no por a worde investiga mas pa e raad. Gezaghebber a manda nan entretantu manera ta custumber den un tal caso pa Corte di Husticia, cu lo investiga nan awor.

E president di Corte a laga sa entretantu, cu nan lo worde studia prome cu e prome reunion di e raad nobo y si ta posibel worde aproba.

FATUM — Tel.: 1845
pa tur ba aseguranan

NO TA TUR TERENO TA LIBER
PA ROUIEVARD NOBO
AINDA

ORANJESTAD, 24 juni. — En cuestion cu e di cuatro cambio di D.O.W. pa e bezorging di anja 1961, un di e miembronan di congreso a haci e pregunta den e reunion di e departamento, pafo e trabao na e trajecto nobo di e caminda principal ta para keto asina tanto tempo.

Ariba esaki Bestuurscollege a contesta, cu e e ho aki su motibu ta cu tur e terenonan necesario na esaki no a worde entrega ainda. Diferente reglamentacion en cuestion cu entrega di terenonan di e oradoronan di donjonan di tereno cu a muri tin di tuma linear, loke ta existi algun tereno“ segun e college. Tamba a worde declara cu no ta recomendable na asfalt e parti di e caminda cu ta ela cu e tal asfalt friu, como cu e caminda no por worde usa ainda y en caminda di asfalt cu no ta worde usa of no ta worde usa hasta, por bin kibra macha lihe.

VICTIMA DI TRAFICO NA CORSOW

(Di nos corr. na Corsow)

WILHELMSTAD, 24 juni — R. Catalina di 31 aña a fallece ayera atardi, ora cu e auto den cual e tabata a choka frontal cu un truck militar banda di Santa Maria. Den e accidente aki dos otro pasahero di e auto a resulta gravemente herida. Un otro a hanja heridoman leve.

Tambe ayera atardi e hefe di servicio medico dr. A. van der Sar a resulta seriamente herida ora cu el a dal contra un truck di corsa, na Nieuwpoort. Dr. Van der Sar a worde hospitalisa cu heridaman den pecho. E pasahero J. E. esterdijk tambe a worde hospitalisa cu heridaman grave na su cabez.



Diabierna atardi staff y personal di firma Petrona & Croes a reuni un ratu, pa felicita un companjero di trabao, kende siguiente dia lo ricibi e sacramento di matrimonio. Tahata senior Antonio Giel, dispatcher den departamento di material, kende tin cinco aña di servicio na Petrona & Croes, y kende door di su comportacion correcta a gana simpatia di tanto di su hefenan, cu coleganan y e clientenan, cu nan no por a laga e ocasion aki pasa sin mustrale algun atencion particular.

Senior G. Scott, director di e firma menciona, personalmente a dirigi palahanan di felicitacion na senior Giel, despues cu e maestro di ceremoniu sr. Carthy a habri e recepcion cu algun palabla macha bonita di experiencia. „E dia di casamento ta un dia grandi, si bo hanja un bon senjora bo ta e homber di mas feliz pa resto di bo bida, pero si ho (ipa cu un pareha malo, ho ta desea cu nunca lo bo a pensa na e momento ey, laga nos spera y conta cu voluntad di Dios, cu bo futuro senjora, Maria Tromp, lo pertenece na esun di prome. Na number di tur e personal presente, nos ta deseño hopi felicidad, y riba esaki sr. Giel por a ricibi tres pakete grandi, como obsequio di personal di Petrona & Croes. Sr. Giel claramente emocionado door di e bunita gesto aki di su hefenan y en particular su hefe directo sr. Juan Fingal, y tur su otro companjeronan, a gradici nan tur pa e bunita palabranan y tambe pa e regalacion.

RESULTADO DI CANASTA

SAN NICOLAS, 24 juni. — Ultimamente a tuma lugar, un wegá di canasta pa e competitie di canastabond. E wegá tabata entre S.A.S. y L.C.A. E promer club a gana cu 20 pa 10. E wegá a worde hanga na cas di familia Kaetsehoout.

ARUBA DEN ORGANO INTERNACIONAL DI "TOASTMASTERS"

ORANJESTAD, 24 juni. — Ultimamente a worde publica den e organo internacional di „Toastmasters Club“, un noticia tocante di e club di Aruba, no. 2.688-U.

Eyden ta worde scribi con e club di Aruba ta teniendo accionnan grandi pa mas miembronan y ta haciendo leke ta posibel pa interesa organizacionnan hubenil den establecimiento di Gavel Clubs, for di cual despues por sali „Toasters“.

HELP!



Help is on the way for your sluggish, slow-starting pen! It's Parker SUPER QUINK, the ink that's best for all pens. SUPER QUINK contains Solve-X, the ingredient that dissolves sludge, cleans your pen as you write.

A Product of
THE PARKER PEN COMPANY
Maker of the world's most wanted pens

Agents:
MARCHENA, MORON & CO. N.V.

Segun e noticiacion, ministro E. O. Petronia ta un Toastmaster. Un otro miembro prominente ta diputado E. J. Tromp. E organo internacional di e club aki ta worde reparti pa 3.615 club cualnan hunto tin mas cu 80.000 miembro.

PIETE VAN OGTROP A SLAAG

SEROE COLORADO, 24 juni. — Dekter y sra. J.B.M. van Ogtrop di Seroe Colorado a ricibi noticia cu nan yiu homber Pieté a hanja su diploma di Dickinson Law School den e estado Mericano Pennsylvania.

Pieté lo continua su estudio y cumpli na october p.e. cu su servicio militar serca Fuerza Aerea di Merica.

SIMAN DI BUKI — SIMAN DI BUKI — SIMAN DI BUKI — SIMAN DI BUKI

SIMAN DI BUKI 1963 — FILMLIGA ARUBA

Awe nochí pa 8.30 p.m. den CENTRO CULTURAL

di tres recitacion door di A. van DOMBURG

„DE FILM EN DE WERELD VAN HET GELUID“

cu presentacion di pelicula.

Entrada gratis pa miembronan di Filmliga Aruba. No-miembro f. 1.—

SIMAN DI BUKI — SIMAN DI BUKI — SIMAN DI BUKI — SIMAN DI BUKI



Diahuebs mainta 11'or, a tuma lugar den oficina di gezaghebber O. S. Henriquez, e firmamento di contract entre MacNamara Corp. di Toronto Canada y gobierno di Aruba en cuestion cu e extension di e aeropuerto. Pa e extension aki un fabrica di asfalt ta worde spera na Aruba, fin di juli pa asina cuminsa cu e extension di e pista di aterizaje entrante agosto. Henter e trabau lo costa mas o menos 4.265.000 florin, y lo bin cla na cuminsamento di anja 1964. Ariba e portret nos ta mira na robez Ing. J. Christman (kende a firma e contract na number di MacNamara Corp) y gezaghebber Henriquez (kende a firma e contract na number di B.C.) controlando e diferente puntanan di e contract, mientras cu senior W. C. Anslin (cu bril scur) y senior F. J. Tromp (centro patras) ta mirando.



(Foto Arubaanse Courant en cooperacion di Aruba Flying Club)

Ariba e portret aki nos ta mira e becindario di Piedra Plat y mas patras Hooiberg (e flecha blanco na banda drechi ariba e portret ta mustra Hooiberg, cual net na aind nos ta mira e terenonan blanco di e aeropuerto y di industria. E di dos flecha blanco ta mustra e pastorie di e Iglesia Protestant na Piedra Plat, E iglesia mes, casi no por worde mira, como cu su colo no tin mucho lanti ta e caminda di Paradera pa Santa Cruz.

Plat y mas patras Hooiberg (e flecha blanco na banda e momento ta den e sombra di un nubia) y mas atras tambe no mucho leuw for di centro mas ariba, e tereno di e Iglesia Protestant na Piedra Plat, E iglesia mes, diferencia cu e tereno unda e ta, E linja preto mas adlanti

DEFILE DI BENDEDONAN DI „CATOCHI” DILANTI HUEZ

ORANJESTAD, 24 juni. — No menos cu cinco bendedonnan di loteria prohibi, mas mihor conoci como „catochi” mester a presentá di Corte di Husticia. Fintenan tabatin tambe un mama, cu door di hende „catochi” a purba hena e placa necesario pa opra su yiu, kende a nace invalido. Pero promer cu e por a hende algo cu bal ta pena el a worde gara pa polis. Na yormento el a reconoce di haberse mienta ta el a haci y a conta huez su tristia. Su castigo tabata esun di mas „chiquito” di tur cinco.

Tabata manera un defile di bendedonnan di catochi cu a naci diabierna mainta dilanti di e mesa herde di Corte di Husticia. Masha fier a sali na cla cu mihor di e bendedonnan di catochi na Aruba tin Radio Hoyer Car Club, como e preferido pa e resultado di e nombenan di loteria cu nan ta hende. Tambe ta worde hunga ariba e loteria di Santo Domingo y hasta eun di Caracas. Cunto variacion tin den e organizacion di tenemento di catochi, esei a sali na cla diabierna mainta. Un dama hoben for di Sint Maarten a reconoce cu tur dia e tabata „catochi” ta hunga, apesar cu e tabata sabi cu esaki ta prohibi. „Pero kende na Aruba no ta hende catochi?” E tabata e persona tambe cu a inventa un sistema di catochi cu a lora huez B. Swaneburg na un cierto momentu tur bishita. E officier di husticia, Sr. S.H. Tjon Apang mester a yude, ya cu e ta mas o menos un experto ariba su mes caba den e asuntonan di catochi. E cantidad di bendedonnan

di catochi cu ya el a treece d'anti huez ta mas cu diez.

Un comerciante Dominicano, un tal S.R., a worde castiga pa un hoel di 175 florin. Pero tambe a ordena entrega e 170 florin cu a worde confisca for di dje, na né atrobe. Su hukinan etc. pa tene catochi, mester worde destrui.

Un mama di 29 anja di edad y kende tin nuche yiu, un tal G.V.W. cu segun su declaracion, ta divorcia di su casa, y cu e no ta hana bastante yudanza financiero y pesi mes er a haci algo pa gana un dos cent, a worde condena pa huez segun e pidimento fiscal di e officier pa dos siman sera condicionalmente, cu un tempo di prueba di dos anja, entrega di e placa cu a worde confisca na e acusada y destruyendo di e hukinan, etc. cu cual e tabata tene e loteria.

E di tres, un dama Curazoleño M. d. R.M. tambe a worde condena segun e pidimento fiscal. El a hana dos siman sera condicionalmente cu un tempo di prueba di un anja. E dama di Sint Maarten kende tabata un negoshi di catochi basta intensivo, tabata senjora O.A.F. di 36 anja di edad y mama di cinco yiu. Pa motibu cu su esposo no taba gana asina hopi mas, tabata necesario pa busca un otro manera pa mantene e situacion financiero di e cas den balanza. Mesos cu tur su antecesor, el a cai den man di husticia ora cu el a hana trobel cu un di e personanan cu a compra catochi sera die. Den e caso aki tabata tra di un habitante di San Nicolas kende conoci como „Lala”. Premier cu e

sorti di e loterianan pa e dia ey a tuma lugar. „Lala” a camina compra tur number 91 cu e por a hana for di bendedonnan di catochi na San Nicolas. Segun e acusada, „Lala” a compra como 300 number 91 den diferente loterianan. Ora cu e mes un anochi enberda number 91 a sali como e number ganador, e bendedonnan di catochi no taba confia e asunto mucho mas. „Mes ora mi a pensa cu e por a haci un combeni cu Radio Hoyer”. Segun senjora E. el a worde condena pa dos siman di castigo condicional pa un prueba di un anja.

Tristo

Un poco impresionante tabata e caso di e senjora S.M., un Colombiano di edad, kende a conta di tin un yiu, cu a nace invalido. Como cu dokter a declara cu un operacion lo ta mihor chens pa drecha e mihor, e majornan a tuma e plan pa manda nan yiu hospital, cu e speranza, cu el lo hana cura. Pero pa motibu cu e majornan no tabatin e placa necesario, e mama a bai busca consejo sera un amiga, kende a conseha pa cuminsa cu un catochi e solucion pa tur problema financiero. Senjora W. kende no tabata na altura di e catochi, cu e tabata haciendo algo prohibi, a cai den man di husticia promer cu su promer sorteo por a tuma lugar.

Y cu esaki no unicamente tur e speranza pa duna su yiu un operacion cara cu lo cure e caba na nada. Pero cu esey tambe el a worde confronta inesperadamente cu e posibilidad di worde castiga y asina worde saca for di Antillas.

Na yoramento el a conta huez Swaneburg sa storia. E officier di husticia a tene consideracion cu e consecuencia peligroso di un castigo di prison y a splica cu no ta intencion di ley pa castiga un hende dobel ya cu senjora W. enbez di gana placa a perde placa cu su catochi. El a exige unicamente un hoel di 50 florin y entrega na senjora M. di e 35 florin cu a worde confisca for di dje. „Mi lo acepta leke el a bisa, esta

“ALL ELECTRIC SALES” A MUDA PA EDIFICIO MAS GRANDI

SAN NICOLAS. — Ultimamente por worde observa cu e comerciantenan na San Nicolas ta haci tur posibil pa no keda tras cu nan colega na Playa. Asina nos por a nota cu entonan a renova y haci nan tienda mas grandi, nan ta pone mas atencion na nan vitrinanan y hopi otro actividad pa stimula e movicion un poco mas na San Nicolas.

Awor ta „All Electric Sales” baw direccion di su propietario senjor George Britten, kende a muda pa un edificio mas grandi. Motibu pa e cambio di lugar aki, segun el a informa nos, ta unicamente na hana mas espacio pa duna un mehor „display” show di su mercancanan, y asina duna un mehor servicio alavez na su clientenan.


Senjor Britten su negoshi ta estableci na San Nicolas for anja 1947. Promer su negoshi tabata situa den Reinhardstraat, despues el a muda na e caya principal di San Nicolas, B. v.d. Zeeportstraat 51, y awor recientemente el a pasa pa un otro edificio mas grandi den mesun caya cu unda Velt Stores tabata antes, net dilanti di Principal Theater.

E interior a worde organiza adecuado, na unda e clientenan por haci nan compras comodo y tambe trece nan aparatonan electrico na reparacion. Nos ta desea sr. George Britten hopi exito den su lugar nobo.

EXHIBICION DI TRABAU HUBENIL DEN ST. CECILIA CLUB

SAN NICOLAS, 24 juni. — Avera a tuma lugar den St. Cecilia Club na San Nicolas un exhibicion di obranenan cu e muchanan di parkin San Nicolas a traha huntu cu nan lidernan.

E exhibicion tabata contene hopi forma di actividad y a hala hopi interes. Tabatin seis stand, cada uno di un school. Contribucionnan cu a worde ricibi di e bishitanenan lo bini na labor di e trabau di misionero, cu el a haci pa e mucha y no tabata sabi cu e ta prohibi, segun e huez. El a hala e boel te na 25 florin.



Diabierna otardi a tuma lugar den e cas di Sociedad Bolivariana, situa na skina di Rondweg y Potreroweg na Dakota, e sorteo di e loteria di e cas. Mas o menos 4'or y mei e promer number a sali for di e roulette, dirigi pa man di senjor J. Fronssen (Mike) di servicio policial (sinto). E sorteo a tuma lugar den presencia di robez pa drechi, senjora Profeet senjor M. Croes segundo secretario di Sociedad Bolivariana y senjor C. A. G. Profeet, presidente di Bolivariana. E number ganador tabata 3998 y e ganador ta senjor Ramon (Monchi) Navas, empleado di No. 1 Store.

pa bo exito

Avisa den ARUBAANSE COURANT y compara e resultado!

SKIL

POWER TOOLS

* SAWS * SANDERS * DRILLS Etc.

for Extra power use SKIL.

ANTILLIAN MERCANTILE CORP. N.V.

O' Stad - tel. 1145 — San Nic. - tel. 5635

PANAMA STORE

na San Nicolas.

CU PLACER TA ANUNCIA CU E TA PROLONGA SU REBAIA ESPECIAL ARIABA TIRE, durante luna di JUNI tambe!

TIRE, Usa, pero original, casti nobo, di marcanan mundialmente conoci, pa solamente FL. 15.—.

No perde e oportunidad aki.

RON CONDESA

Cada botter di RON CONDESA dia un papel ban di su capsula y masha hopi di e papelnan aki ta premia cu vale pa RON CONDESA y PA PLACA.

● Tin vale pa Botter di Ron Condesa (4 tamaño) y tambe VALE PA f. 5,—, f. 10,—, f. 25,—, f. 50,— y f. 100,— na efectivo!

Por cambia e valenan aki na:

Oficina di Firma Jan C Lacle of na Santa Cruz Bar of na e Rumshop unda Bo a compra Bo botter di RON CONDESA.

Practicamente tur dia nos ta ricibi un lote nobo di

● **BISTIR PA DAMAS**

den tur prijs y pa tur ocasion.

Tambe

● **TAS, SAPATU, SOMBRE etc.**

den un coleccion masha precioso

La Linda

BO TIENDA DI CONFIANZA

TA SOLICITA PA DRENTA SERVICIO PRONTO

UN DAMA

encargà pa tene e showroom limpi

● Pa aplicacion pasa, personalmente di 8'or a.m.—10'or a.m. na

— MESKER —

LARGE CONSTRUCTION COMPANY IN ARUBA

WANTS

For immediate employment

FOREMAN-PAINTER

Requirements: * Necessary certificates * Knowledge of English and Dutch * Good references.

For application write to Arubaanse Courant, Nassaustraat No. 85, and mention on envelope letter "F.S."

RAKETAN MERICANO PA ISRAEL!

TE HUUR Gemeubileerd WOONHUIS

gelegen te Oranjestad, Tarabana.

Brievten te richten aan de „Arubaanse Courant”, Nassaustraat No. 85, met vermelding van letter "B" op de envelop.

TELEVISOR SIERA ta insuperable, cu su reproduccion di sonido y imagen fascinante! Ultimo vantenanan tecnico, estabilizacion automatica etc. obtieniblan model di mesa y consola. Pa un televison na prijs razonable pasa na:

CASA ELECTRONICA banda di Viana — Tel. 5271

E fuerte menciona en relacion no kier a bisa di cuanto Hawk ta trata Israel kien compra e proyectilnan di defensa aerea como contra equilibrio contra forza di guerra di Egipto.

Den un frega di wowo candela por lagabo, completamente ruina! No warda te ora ta laat SEGURA BO PROPIEDAD AWE MES NA

N. E. N.

Pa Inf. Tel. 1176 - 1337 Nassaustraat 94B

No spera te ora e gas caba completamente!

PIDI BO GAS NA TEMPO

ARUBA GAS SUPPLY

TEL. 1898

BIN MIRA

Nos mashin moderno — unico den Antillas — pa traha remedi na poelchi, sin mishl cu man. Den un ratu bo recept ta cla y nos no ta cobra nada extra pa servicio.

BOTICA ARUBA

TEL. 1080 - 1081 - 1180

Pa pintamento di

PLAN PA CAS of otro edificio acendi na:

TITO MUYALE

Nassaustraat 154 - Tel. 1636

UN DELEITE

ARUBA TRADING CO.

Centro Espiritista SUFRE? ESTA TRISTE? Consulte hoy mismo

A- Nueva Organización de ayuda GRATUITA. Ordene sus EXAMEN para indicarle la solución de su problema. Envíe su nombre y dirección fecha de nacimiento y el nombre de un difunto familiar.

Directur: ELOHIN GENESIS

Apartado Aereo No. 1365 Quito — Ecuador

NOTA: Escriba solo a esta dirección

“NUNCA EL A ACTU MI

..... té dia Nadinola a haci un cambio na mi!”

Biba bo fel! No laga un cara manchá, grof o jená cu pishi stroba bo hermosura.

Usa Nadinola Bleaching Cream. E ta contene e maravijoso ingrediente medicinal A.M. cu ta luci y suavisa bo cutis, juda elimina espinia y haci bo cara radiante.

Nadinola ta traha rapido y tog asina suave.

Tin dos tipo — unu pa cutis sec y unu pa cutis vet. Si bo no keda satisfecho, bo ta baha bo placa back.

NADINOLA BLEACHING CREAM

Un pishi so ta suficiente pa haci bo cara más finí, más limpi y más bonita.

Distribuidor: Beauty Salon „MADAM ALICE” Nassaustraat 83 A Oranjestad — TEL. 1565

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e productonan mas gusta y mas pidi. **NESBITTS** e refresco sin igual.

1. Nan a tira e cochera marta... pero te ainda e carrerillo no a parea. Mi a sbera esey... tabata un locura pa marta e caga sin escolta.

2. Awor, nan a mata un hamber y awor nos a keda mas peor ainda, pasobra e Indonan a cay nos amannan.

3. Si bo haci informe di leke e pasa, siguramente nan lo manda judabo. Kizas, pero toch e ora ey lo ta laat.

4. Hombesnan mester responde pa e debenan cu nan casa haci? Si... asina ley ta bisa.

5. Bo por prestami 10 dollars anto?

6. Y corda bon... cu si mi no pagabo nan bek, abo mester pagabo bek.

7. Ta di eoi mi no por a pensa esaki mas por?

8. TIENEN QUE RESPONDER LOS MARIDOS POR LAS DEUDAS DE SUS ESPOSA?

9. SI... LA LEY LO MANDA.

10. ¿PUEDES ENTONCES PRESTARME 10 DÓLARES?

11. Y AHORA RECUERDA QUE SI NO TE LOS PAGO, TIENES QUE PAGARMELOS TU MISMO.

12. ¿POR QUÉ NO SE ME OCURRIÓ ESTO ANTES?

PEPITA pa cortesia di: **Antillian Hardware Co**

E mehor adres pa VERF, KWASHI, TUR CLASE DI HERMENT, articulos sanitario.

1. Hombesnan mester responde pa e debenan cu nan casa haci? Si... asina ley ta bisa.

2. Bo por prestami 10 dollars anto?

3. Y corda bon... cu si mi no pagabo nan bek, abo mester pagabo bek.

4. Ta di eoi mi no por a pensar esaki mas por?

5. TIENEN QUE RESPONDER LOS MARIDOS POR LAS DEUDAS DE SUS ESPOSA?

6. SI... LA LEY LO MANDA.

7. ¿PUEDES ENTONCES PRESTARME 10 DÓLARES?

8. Y AHORA RECUERDA QUE SI NO TE LOS PAGO, TIENES QUE PAGARMELOS TU MISMO.

9. ¿POR QUÉ NO SE ME OCURRIÓ ESTO ANTES?

Shete candidata caba pa Reina di Deporte

(Di nos redactor deportivo)

Di e Comité Organizador di e Noveno Olimpiada A.S.U., cu e anja aki ta worde teni for di dia 5 te cu dia 14 di juli 1963, nos a ricibi informacion cu un total di shete candidata ya a worde inscribi pa competi na e titulo di Reina di Deporte di Aruba 1963/1964. Nan ta Lilian Larmone como candidata di Amateur Baseball Bond Aruba, Teresita Haines como candidato di Heineken's Baseball Club, Modeleine Kock como candidato di Aruba Lawn Tennis Bond, Olga Camacho como candidata di Arubaanse Biljard Bond Carabola, Helen Hoo como candidata di Aruba Basketball Bond, Lucia Maduro como candidata di Aruba Softball Bond, Regina Croes como candidato di Aruba Volleyball Association.

Door di un hurado cu directiva di A.S.U. lo nombra, e Reino di Deporte lo worde eligi.

Esun eligi lo honja como premio e anja aki dos pasage ida y vuelta pa Puerto Rico.

Clubnan y bondnan cu ainda ta desea di nomina un candidata por haci esaki te cu dia 1 di juli 1963 yendando e formulario cu a worde manda pa nan y manda esaki pa Comité na adres di Wilhelminastadion Oranjestad, Aruba.

Ciclista, Softball, Baseball y Futbol ta internacional na ASU Olympiada

(Di nos redactor deportivo)

E deportenon ciclismo, softball, baseball y futbol tin programa pa presenta encuentronan internacional durante e Olimpiada A.S.U. Lo bin ciclista for di Trinidad, softballista for di Sto. Domingo, baseballista for di Puerto Rico y futbolista for di Colombia. Ta conoci caba cu e delegacion for di Puerto Rico di baseball lo yega nos isla riba dia Hueses dia 4 di juli 1963. E delegacion lo ta encabezada pa presidente interino di Circuito Nacional de Baseball Aficionado Sr. Hernon Quinones Boneta.

En relacion cu e encuentronan di landamento como parti di e programa di e A.S.U. Olimpiada, e schoolnan ta worde recorda cu lo ta riba e mes un base cu anja pasa. E gruponan lo ta parti atrobe entre mucha homber y mucha muher di bado di 12 anja, di entre 13 y 15 anja y di ariba di 16 anja.

Otro ramaan di deporte cu ta ariba e programa di e Olimpiada ta boxeo, biljard, pingpong, schermen, skindiving, trolling, volleyball, himnamento di peso, demostracion di ta-

cha, judo, basketball, bowling, atletismo, ciclismo, tennis y cricket. Manera custumbra Sport Man di Anja lo ta un sorpresa te na e Apertura di e Olimpiada.

Como president di e Comité Organizador a worde nombra awor Aquiles Leon.

CIFRANAN DI E CAMPEONATO AA

(Di nos Redactor Deportivo)

Na conclusion di e promer rond di e campeonato di baseball AA, nos ta hanja e siguiente cifranan.

Posicion	W/G	W/P	W/A
Team			
Heineken	3	1	0
Zenith	3	1	0
Maro Servicer	2	2	1

Winston 2 2 1
Marlboro 0 4 3

10 mihor bateador
- 10 turno na bate

Number	AB	H	BA
Eric Ponson, Esso	17	7	412
Chipi Richardson, Zen.	12	4	333
Gelmo Richardson, Esso	16	5	313
Harold Hughes, Zen.	13	4	308
C. Baly, Esso	10	3	300
Jonco Albertsz Winston	14	4	286
S. Bryon, Heineken	14	4	286
John Jones, Marlboro	16	4	250
P. Freedom, Heineken	16	4	250

Carrera empuha

Jonco Albertsz (Winston)	4
Eric Ponson (Esso)	4
Ramon Buckley (Heineken)	3
Ralph Benshop (Zenith)	3
Ponce Diddler (Zenith)	3
Simeon Bryon (Heineken)	7



Para su más íntimo problema marital

Millones de mujeres confían en Norforms... cuentan con la más segura protección de Norforms para su más íntimo problema marital. Demostrado por médicos y comprobado en las clínicas, sólo Norforms ofrece tan eficaz protección germicida, gracias a una fórmula altamente perfeccionada que libera sus ingredientes antisépticos de larga duración. La temperatura normal del cuerpo disuelve Norforms, para formar una resistente película protectora, incapaz de lastimar los delicados tejidos. La protección desodorante de Norforms elimina, no sólo el olor, sino el olor "medicinal" o "desinfectante." Norforms son convenientes y fáciles de aplicar. Basta insertarlos, sin necesidad de aparatos... y sin tener que mezclar ni medir nada. Como no contienen grasa y están envueltos herméticamente, Norforms se conservan en buen estado en cualquier clima. Obtenibles en cajas de 6, 12 y 24, en todas las farmacias.

GRATIS-Folleto informativo sobre Norforms

Envíe este cupón a: ARUBA TRADING Co. Oranjestad. Favor de enviarme el nuevo folleto de Norforms en un sobre sin membrete.

Nombre

(Sirvase escribir claramente)

Calle

Ciudad

País



Reddy Kilowatt ta amigo di tur!

Cumpleaños

Awe 24 di juni ta cumpli un anja mas di feliz existencia e caballero Melton Francis Kock. Felicitacion ta bini especialmente di Marietje Figaroa, kende ta desea Melton hopi anja mas di bida.

Eric Ponson (Esso) 7
Gelmo Richardson (Esso) 5
Crisma Angela (Winston) 4
Juancho Pannellek (Winston) 4

Pitcheo

Abraham Lake (Zenith) 2-0
Julio Martilla (Heineken) 2-0
Emiliano Jansen (Esso) 1-0
Colai Carolina (Winston) 1-0
Mike Friel (Zenith) 1-0

Bose roba

Henrique Vorst (Heineken) 3
Alberto Pantophlet (Zenith) 3
5 Players tied with 2

HEINEKEN'S 16 STA. CRUZ STARS 5

(Di nos Redactor Deportivo)

E equipo clase A di Heineken's a obtiene diabierna un triunfo cu score di 16 pa 5 ariba un errativo novena di Santa Cruz Stars den Lago Sport Park. E novena cervicero a conecta un total di 13 hit pifia den dos ocasiones. E streyaaan di Santa Cruz en cambio a conecta seis hit y pifia nada menos cu 12 baha.

H. Peters tabata e pitcher ganador, perdiendo A. Maduro.

F. S. KELLY REPRESENTANTE DI „LASO DI AMISTAD“

ORANJESTAD, 24 juni. — Senyor Fabian S. Kelly a worde aserca pa „De Vriendschapsband“ di Hulanda, pa bira nan representante aki na Aruba. „De Vriendschapsband“ ta un organizacion cu un karakter social, cu ta purba contacto cu hobennan Hulandes na tur parti di mundo, via correspondencia. Gracia na „Arubaanse Courant“ ya hopi di e contactonan aki a worde haci entre muchanan homber y muher di Aruba cu hobennan di Hulanda. Awor nan kier haci senyor Kelly representante na e isla aki, asina cu e por stimula e trabao aki mas y eventualmente por actua como advisor en cuestion cu malcomprendentonan entre amigonan correspondiente. Iste a pasa de bez en cuando. Senyor Kelly no a acepta esaki pero e tin hopi simpatia pa e invitacion.

HUIDA DI GUARDIANAN DI FRONTERA DI ALEMANIA OOST

BERLIN, 24 juni. — Ayera a hui pa Berlin West 4 guardia di frontera di Alemania Oost. Asina polis dje parti occidental di e ciudad a participa. Tambe un personal di douane di Alemania Oost a pasa frontera.

AGENDA

CINE

Dialuna 24 juni 1963

DE VEER 8:30 p.m.: „The 4 Horsemen of the Apocalypse“ 18 J.
ITALTO 9:00 p.m.: „Spartacus“ 18 J.
PRINCIPAL 9:00 p.m.: „Too Late Blues“ 18 J.
AURORA 9:00 p.m.: „El pecado de una Madre“ 18 J.
SAVANETA 9:00 p.m.: „Summer and Smoke“ 18 J.

BOTICANAN DI WARDA

San Nicolas: BOTICA SAN LUCAS tel. 5119
Oranjestad-Noord: Dr. C. V. B. J. B.

DOKTERAN DI WARDA

Oranjestad: BOTICA DEL PUERTO tel. 1253
Sta. Cruz-Sav. St. Nicolas: Dr. J. R. L.

WIT-GELE KRUIS

San Nicolas: Zr. Perpetua
Oranjestad: Zr. Ewald
Santa Cruz: Zr. Ludovico

POSTSLUITINGEN

Dialuna

Angilla 14.00, Antigua 14.00, Argentina 14.00, Bolivia 14.00, Bonaire 8.00, Brazil 14.00, Br. Guiana 15.30, Canada 8.00, Canal Zone 15.30, Chile 14.00, Colombia 15.30, Barranquilla 15.30, Bogota 15.30, Costa Rica 15.30, Cuba 10.00, Curacao 8.00, Ecuador 14.00, El Salvador 15.30, Europa (Azia-Afrika) 8.00, Fr. Guiana 15.30, Guadeloupe 15.30, Guatemala 15.30, Haiti 15.30, Honduras 15.30, Br. Honduras 15.30, Jamaica 10.00, Martinique 15.30, Mexico 15.30, Montserrat 15.30, U.S.A. 15.30, Miami Fla. 10.00, (Azia-Afrika-Australia)

DAKOTA A DERROTA R.C.A. 2-0

(Di nos Redactor Deportivo)

Segun informacion obteni diasabra anochi e onensa di Dakota a pasa pa e preme puesto di e actual campeonato Antillano. Nan a haci esaki derrotando e equipo di R.C.A. cu score di 2-0.

Dakota tin record awor di un gana y un tabla pa tres punto. R.C.A. tin un gana y un perdi. Sitheo tin dos tabla y Veendam tin un tabla y un perdi.

E loteria ariba e cas di SOCIEDAD BOLIVARIANA ARUBA

a tuma lugar diabierna 21 di juni 1963.

E number ganador to:

3998

Premio mester worde reclama denter di 6 luna, despues di e termino aki e ta caduca na favor di e Sociedad.

Pa medio di esaki directiva di Sociedad Bolivariana, kier gradici sinceramente tur cu di un manera of otro a contribui pa haci e loteria aki un exito.

Penitencia di un Pecador


HOLLANDE BANKETBAKKERIJ

Oranjestad tel. 2798 — San Nicolas tel. 5478

E mehor adres pa Bolo y tur clase di pasa-boca. Diariamente fresco.

DICK TRACY

1. Premie cos ho a bisa cu e tabatin un altura mediano, peso mas o menos 150 libras.
2. Si mi querido.
3. Bueno, awor waak e hocker di nanishi aki, waak si ho por hanja su nanishi.
4. Claro cu mi por hanja su nanishi. E tabata nel mei mei di su wowonan y djes un tiki ariba su boca manera tur otro hende.



RIP KIRBY JAN BODEGOM & CO (Aruba) N.V. TEL. 1284 — 1402

agente exclusivo di FRIESCHE VLAG lechi evap

orado y lechi en polvo MAXWELL HOUSE KOFFIE

1. Drama den un di e euronan di e hotel.
2.
3. Al Martin, pero pakiko bo a atacami?
Hola Rip, mi tabata kier su solamente si ainda ho ta den forma.



cu boca hanchu habri. (Mi amiga... —Esey mi ta kere. Harry a bisa trankil. Pero leke ho amiga tin ya caba ta for di moda.

Kere mi. Y e asunto cu e palu ta haci tur cos hopi mas caru cu e glas ilumina.

—Bo ta kere di berdad? E muher ya caba a cunha hancu atrobe. Naturalmente su cas lo bira mas caru y mas bonita cu esun di su amiga. Si si ho ta kere? ...

—Laga e profesor haci nuna Maria, e sa mas cu nos! E homber un bieuw di mas o menos sesenta anja a bini acera. El a pone man riba su esposa su lomba.

—No ta berdad. Profesor, ho ta regla tur cos bon pa nos no?

—Harry no a contesta mas, esey tabata bato di su dignidad.

—Frankliza ho, Helena a bisa carinioso. Bo por sece e muestranan ho mes ainda. Tur cos mester worde papia bon ainda toeh... El a sigui e profesor, cu ya caba tabata na punto pa sali bai.

—Ay si, un cos ainda, e homber a caminda cu e profesor bieuw. Bo sa profesor, andi mi lo gusta un paar di pintura. Pinturanan autentico, ho ta comprende? El a sera un wowo.

Bo sa esey lo duan henteramente un otro impresion cu e placa? ... —Bai sera Linda, e profesor a bisa. Quizas e por tin algu pa bo. —Ami no por! Bon dia!

—El a wank parais.

—Bani Helena! Sin bisa un solo palabra mas, el a sali bai pafor. E homber a camina su tras te na porta.

—Repugnante e hendenan aki! e profesor a bisa ora cu nan tabata para pafor. Ban nos ta camina na pia, mi tin mester di hopi aire fresco despues di esaki. El a indica su tras atrobe.

Helena a sonrei.

—Si, ho ta hanja tur cos di mira. Bida cu un profesor cabezura y su clientenan siguramente no tabata fastioso.

Sin bisa nada nan a sigui camina banda di otro. Helena tabata gusta e holor di e matanan di banda di caminda. Harry cu su pianan corti-cuti tabata waak su dilanti na suela.

—Linder, el a bisa di repente, esey lo rabia ora e dos bini sera dje. Pero quizas e por hende algu cu nan.

(E ta sigui)

Autornan Antillano a hala hopi publico

ORANJESTAD, 24 juni — E anochi Antillano, cual a tuma lugar diasabra den kader di siman di buki di Aruba, a demostra e exactitud di e intencion di e programistanan di siman di buki, esta, cu indudablemente lo tin hopi interes pa un tal anochi. Centro Cultural tabata jen te na e ultimo lugar y alternativamente cu suspension of na harimentu e centenares a goza di e declamacionnan di Herbert Booi y Pierre Lauffer prome cu pouza y di Ellis Juliana despues.

Tabata especialmente te e dos autornan Curazoleño, cu tabatin gran exito cu nan presentacion for di propio poesia y prosa. Nan essay y poemanan metamente local cu nan contenido folklorico a cai hopi den smaak y hopi a puntra nan mes sorpresa ta di con mientras cu tin gran artista antillano di e caliber aki na Corsow. Aruba ta hanta asina poco chens pa goza di nan trabao. E anochi a worde introduci na senor R. Lopez-Henriquez president di e Comité di Siman di Buki Arubano, cu a muestra riba e importancia di e intercambio cultural na eue y sinan di buki asina facilmente ta duna oportunidad. Orador tabata masha contentu cu e concurrencia grandi y a

declara cu esaki indudablemente ta un simulacion pa e organizadornan pa sigui riba e caminda aki den e anjanan venidero y tambe duna e artista local un lugar importante den e programa. E anochi a ser presentacion e.o. pa gezaghebber O. S. Henriquez y esposa.

FIESTAMENTO DI 4 DI JULI NA SEROE COLORADO

SEROE COLORADO, 24 juni. — Na Seroe Colorado nan tin planann grandi arobe pa fiestamento di 4 di juli, e dia di fiesta nacional di Merca. Lo tin un piente grandi arobe cu ta worde gesponser pa Lago Community Council. Diferente actividadnan lo tene hobenan y bieuwanan ariba pia: weganen, comento, nehemiento y lo demas. E fiesta ta cuminsa for y mei cu un pelicula pa e chiquitonan. E piente lo cuminsa mas o menos cuator di atardi. Women's Guild lo organiza weganen pa tatatan, yunan hembenan, mamanan y yiu muhernan, tambe nan lo percura pa koffie. E Legion Veterano di Mericabonan a tuma bendemento di patia y mision na nan encargo. Pies lo tin na gran cantidad: pop corn, ice-cream, hamburger, cerbez, hotdogs, doughnuts y soda. E Comité di cas di Esso Club lo tene un weg di bingo.

E otro organizadornan cu lo yuda na e fiesta ta St. Christoffel Club, badvinderan, y instructornan di e Programa di Recreacion di Verano. Tambe e sorteo di e loteria anual di Legion di Veteranonan lo tuma lugar dia 4 di juli, den cual dos auto lo ta premio. E punto culminante di e dia lo ta e encuentro di softball entre "Has Beens" bato di gila di St. Edward Welch y "Future Has Beens" bato di gila di Anthony J. Proterra. Esaki ta worde hunga den Lone Palm Stadion.

PRESENTACION DI...

(Continuacion di pag. 1.)

nan y otro articulonnan necesario nan a percura, pero tambe nan a tuma parti den e organizacion y ariba e dia di presentacion nan tabata tin majornan pa tras den e cuartonan di bisti, pa percura pa tur cos bai bon y na orden. Y esaki seguramente lo tabata necesario caminda tin ochenta y un muchu homber hunga.


Preparacion

Dos luna pasa mas o menos, frere Alexius hunto cu su coleganan Paulino y Eduardo, a cuminsa prepara e programa aki. Y diasabra atardi nos por mira e resultado. Ariba nos preguntan despues di e presentacion, frere Alexius, kende apesar cu e tabata hopi cansa, cu un cara contento a contesta nos cu e ta sumamente satisfecho di e presentacion. Tambe el a bisa nos cu e no ta unicamente contento cu e resultado di e presentacion, pero cu e trabao en general. E trabao pa e hubentud, dunando nan algo pa haci cu nan ta gusta y cu ta yudanan usa nan tempo liber na un manera cu ta pas y cu ta saludabel pa nan crecimiento espiritual. E doel di Tropicale no ta pa forma un grupo di bungadonan di comedia, e doel ta pa sinja e miembronan usa nan tempo liber na un bon manera, cu por ehemplo canto, karnamento, discursonan, anochinan di discusion, comedia etc. E presentacion di e comediantan y operettanan ta pa yuda mantene e kaha di e club. Pasobra no unicamente mester di hopi energia y pasenshi pa mantene un club di hobenan activo na un manera sano, pero tambe placa. Pero cu Tropicale ta un club activo y bon organisa, esey indudablemente nan a proba den e ultimo diez anjanan. Nan por ta un ehemplo na hopi clubnan hubenil cu tin aki na Aruba.

Mas presentacion

En cuestion cu e presentacion di "Nochi di Canto" pa esnan cu ainda no a mire, tin ocasion pa esaki ariba e siguiente dianan: Dia 28 y 29 di juni na San Martinus Club na Santa Cruz pa respectivamente 7'or y mei di anochi y 4'or y mei di atardi.

Dia 5 y 6 di juli den Cecilia Club pa 7'or y mei di anochi y 4'or y mei di atardi y dia 9 di juli den Centro Cultural na Oranjestad pa 8'or di anochi.



Centenares di persona a presencia diahuebs atardi den santana Protestant y ponementu di krans riba e prome aniversario di fallecimentu di defunto ministro Juancho Yraus. E portret mas ariba ta duna un impresion di e interes cu tabatin pa e conmemoracion aki. Ariba e portret mas abao por mira ministro E. O. Petronia e prome orador durante e solemnidad aki, dirigiendo palabra na e ocasion aki.

DESGRACIA CHIQUITO CU AUTO DI PAPA

ROMA, 24 juni. — Ayera e auto di Papa Pablo VI a hanta un rascu ora cu el a dal banda di un muraja smal di e patio de colegio Spanto na Roma. Papa, cu pa di prome biaha tabata pato di Vaticano, a laga e auto stop y a baha.

E bishita di Papa na colegio tabata pa Cardinal Daniel Arzobispo di Toledo cu ta malu.

Di fuente di Vaticano se saige cu e auto di Papa, no tin hopi danjo. Despues Papa a restreba Vaticano cu e auto aki mes.

FORMACION DI GABINETE NA HULANDE

DEN HAAG, 24 juni. — E vocero di e formador, dr. De Koot a participa awe mainta lo siguiente:

"A base di carnan cu e formador a ricibi y di conversacionnan cu el a haci, el a llega pa stipula un preferencia pa cooperacion pa forma un gabinete. Mavan e lo informa e tres presidentnan di traccion di partidonan cristian tocante esaki.



Un morto, y ocho herido, di cual tres ta grave, tabata e resultado di e choque cu a tuma lugar diabierna anochi mas o menos 7'or, pariba di e brug na Pos Chiquito. E autonan aki cu a dal frontal ariba otro tabata A-4700, cu nos ta mira na banda drechi y e pick-up A-6250 na banda robes di e portret chikito. E chofer di e auto A-4700 senjora Joen Tjaw Ahilh, a muri casi inmediatamente a causa di e accidente. Den e auto e tabatin serca dje su esposo, tres jiu y un rumman. Esaki ta di siete morto a causa di e trafico inseguro na Aruba, pa anja 1963. Riba e portret grandi nos ta mira e chofer di e pick-up A-6250 riba brancard, gravemente herido.

RELATO DI LIDER INGLES TOCANTE SU VIAHE PA RUSIA

SHEFFIELD, 24 juni. — Harold Wilson, lider di e partido socialista di oposicion di Gran Britania, cu poco tem pasa a bishita Union Sovietica, a declara ayera na un reunion politico na Sheffield, na noord Inglaterra, cu lo no ta posibel pa realisa un arreglo entre oost y west, si Alemania West hanja disposicion di arma nuclear.

Nan a hata man pa Wilson ora el a bisa: E partido socialista Ingles ta contra den tur circunstancianan, pa laga Republica Federal tuma un decision si eventualmente nan mester haci uso di arma nuclear.

El a agraga: "Union Sovietica por soluconar mayan mes su kestion cu Republica Popular di China, si e consenti pa China Hanja disposicion riba arma nuclear. E cu kier haci esaki, pero lo ta mas dificil pa e keda rechaza e peticion Chines, si e accidente provisiona Alemania West cu arma nuclear.

Wilson a declara tambe, cu demotracianan socialista Ingles lo mantene nan politiek pa cu Alemania West y Berlin. "Mi no a laga e lidernan Ruso den lo incierto tocante e punto di bista di "Aahour" pa cu Berlin West.

E west Berlinesnan, cu ta bao di direccion di e gran socialista Willy Brandt, mester tin derecho pa sigui mantene comunicacionnan cu occidente. Tambe nan mester escoge den libertad nan sistema politico, segun e lider socialista di Gran Britania.

PRENSA CHINES TOCANTE DISCURSO DI KENNEDY

PEKING, 22 juni — E corant popular Chines a dedica un articulo serfhi

pa un observador na e discurso di president Kennedy cual a worde califica pa premier Chroesjef un opinion cu ta demostra concetamento di realidat di situacion internacional.

E corant popular ta avisa e lidernan Ruso Sovietico pa nan no laga estrategia di paz di president Kennedy enganjanan. E discurso no ta nada otro cu un confirmacion di e politica agresivo di guerra di Merca.

E corant Popular ta atende profundamente loka e ta yama e intento listo di president Kennedy pa hanja e lidernan Sovietico cambia nan actitud contra Merca. E discurso ta intencion pa haci e conflicto ideologico entre China y Union Sovietica mas skerpi prome cu deliberacionnan tocante esey cuminsa otro siman, y pa checuta influencia riba e actual reunion di comite central di partido comunista Ruso, asina e corant Chines ta scribi.

BISHITA DI OE THANT NA NOORD BORNEO INGLES

NEW YORK, 24 juni. — Gobierno di Malakka, Indonesia y Filipina a propone cu secretario general Oe Thant di Nacionnan Uni lo haci un bishita na noord Borneo y Serawak pa hanja sa, con e poblacion aki ta pensa di federacion di Maleie propone, asina nan a anuncia awe den circulonan di Nacionnan Uni.

PROPOSICION RUSSO PA LAOS

MOSCU, 24 juni. — Union Sovietica a expresa e opinion, cu e tres agrupacionnan politica den e gobierno di coalicion na Laos, mester cuminsa negocia inmediatamente pa bolbe haci situacion den e pais normal. Union Sovietica a bisa esaki den un carta cu fecha 13 di e luna, aki cu a worde entrega na e enbaha-dor Ingles na Moscu.

VICTIMANAN NA SAOEDI ARABIA

DIEDDAH, 24 juni. — Di fuente oficial na Djeeddah a worde bisa, cu 420 herido di e ciudad litoral Bizane, cu a worde bombardea pa avionnan di Egipto, ta worde transporta cu avionnan pa centronan unda nan por ricibi tratamiento medico.

Gobierno di Saoedi Arabia a pidi, pa manda un bapor hospital di sexta flota Mericano na libane.

Tambe tin otro ciudadnan litoral den zuid di Saoedi Arabia cu a worde bombardea.

BO HOROSCOPO PERSONAL

ARIES
21 Maart — 20 April



Banda di merdia ta e mehor periodo pa bo jega na mehor comprension cu socio y gruponan y pone contactonan social.

TAURUS
21 April — 20 Mei



Awe ta muestra favorable pa bo interesnan y por tene un notia importante pa bo. Limita bo contactonan social.

GEMINI
21 Mei — 20 Juni



Lo ta provechoso pa papia cu tin hende cu bo ta confia tocante asuntunan financiero. Cuida bo relacionnan cu familia.

CANCER
21 Juni — 22 Juli



Tuma poco mas tempo pa ideanan y planann. Bo por colecta hecionnan importante, pero no bai mucho prisa.

LEO
23 Juli — 22 Augustus



Paga hopi atencion cu bo lo ricibi di fuentenan confidencial. Tene pasenshi den asuntunan financiero y placa.

VIRGO
23 Augustus — 22 September



Tra a awor pa mehora relacion cu un amigu importante. No perca curiosi door di falta di consideracion cerca otroas.

LIBRA
23 September — 22 Oktober



Bo por spera noticia cu ta favorable pa negoshinan y bo profesion. No descuida bo trabao y debenan den mainta.

SCORPIO
23 Oktober — 22 November



Evita hendenan nervioso awe si bo por. Caba cu trabao y regla bo asuntunan personal.

SAGITARIUS
23 November — 21 December



Bo sentimentu y di otro ta worde orda diru awe. Placa tocante problemannan financiero cu hendenan cu por juda bo.

APRICORNIUS
22 December — 19 Januari



Bo bishita na awe. Postpone decisionnan importante ora cu bo ta sigur. Mantene harmonia cu bo familia.

ACUARIUS
20 Januari — 18 Februari



Paga atencion na eventual peligro nan den bo finanzas. Extra pasenshi lo juda bo awe, pero sosega anochi.

PISCES
19 Februari — 20 Maart



Trata pa hanja noticia tocan e al-gun di bo interesnan grandi. No lamta odio serca bo partner door di scoge un mal momentu.

BUCHI ROBEZ presenta pa cortesia di REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas

